



Bainisteoir CÚLA4

Conradh 3 Bliana

Fáilteoidh TG4 roimh iarratais ar an bpost Bainisteoir Chainéal CÚLA4 ar chonradh 3 bliana. Is post sinsearach, dúshlánach é seo ag bainistiú agus ag forbairt Chainéal CÚLA4. I gCeannáras TG4 i nGaeltacht na Gaillimhe a bheidh an té a cheapfar lonnaithe agus beidh sé freagrach don Stiúrthóir Lucht Féachana, Margaíochta agus Comhpháirtíochta.

Is fostóir comhionannais deiseanna é TG4 agus déantar iarratais incháilithe a mheas gan beann ar inscne, gnéaschlaonadh, aois, taithí shóisialta, cine agus eitneacht, éagumas, stádas sibhialta an teaghlaigh, creideamh ná ballraíocht den Lucht Siúil. Tá dearcadh dearfach ag TG4 i leith na hÉagsúlachta. Fáilteoidh muid roimh iarratais ó dhaoine a bhfuil cúlaí éagsúla acu.

Cúramaí

Beidh an té a cheapfar freagrach as ceannasaíocht a ghlacadh ar fhorbairt CÚLA4, as bainistiú a dhéanamh ar an aschur, as láithreachas agus margaíocht CÚLA4 a stiúradh agus as ardáin CÚLA4 a fhorbairt agus a chur chun cinn i measc phobal féachana leathan na hÉireann agus thar lear.

I measc na gcúraimí a bheidh i gceist, gan bheith teoranta dóibh, beidh;

- Straitéis agus plean oibre trasardáin a fhorbairt agus a chur i bhfeidhm do CÚLA4.
- Oibriú i bpáirt leis an Eagarthóir Coimisiúnaithe Óige chun bainistiú a dhéanamh ar sholáthar & ar Sceideal CÚLA4.
- Forbairt a dhéanamh ar ardáin CÚLA4 agus iad a chur chun cinn
- Forbairt a dhéanamh ar láithreachas CÚLA4
- Ábhar láithreachais agus neamhlíneach CÚLA4 a léiriú agus a threorú.
- Forbairt a dhéanamh ar mhargaíocht, ar fheachtais agus ar imeachtaí CÚLA4
- Comhoibriú le comhlachtaí léiriúcháin chun plean poiblíochta a chur le chéile do shraitheanna nua don Óige.
- Treoir & freagracht a ghlacadh as Sceideal & Láithreachas CÚLA4
- Foireann CÚLA4 a bhainistiú
- Comhoibriú leis an bpobal féachana agus le heagraíochtaí Óige chun imeachtaí a eagrú.
- Aon dualgais bhailí eile a iarrann Bainisteoir, Stiúrthóir na Rannóige nó an tArd-Stiúrthóir ort a chomhlíonadh.

Nithe atá riachtanach don phost seo:

- Fócas dearfach, cumas maith foirne agus taithí chruthaithe ar fhoireann a bhainistiú.
- Is buntáiste é taithí ar bheith ag obair le daoine óga agus / nó tuiscint ar an gcuraclam oideachais a bheith ag an té a cheapfar.
- Sár-thuiscint ar chumas na meán sóisialta agus na n-ardán digiteach lucht féachana a mhealladh.
- Tuiscint ar an bpobal féachana atá ag CÚLA4
- Taithí mhaith ar chúrsaí riaracháin agus ríomhaireachta (ard-tuiscint ar Excel, MS Office agus ábalta córais nua a fhoghlaim go tapa).
- Ábalta feidhmiú go muiníneach agus go héifeachtach as do stuaim féin i dtimpeallacht spreagúil.
- Ábalta spriocanna oibre a chomhlíonadh agus a chinntiú go mbeidh ábhar, a bheidh ar ardchaighdeán, réidh agus ar fáil in am.
- Is í an Ghaeilge teanga oibre TG4 agus mar sin tá sé riachtanach go mbeadh Gaeilge den scoth ag an té a cheapfar, idir labhairt agus scríobh na teanga.

Tabhair ar aird: Is treoir atá sa sainchuntas poist seo maidir le réimsí éagsúla freagrachta agus cuntasachta agus níor cheart breathnú air mar liosta cuimsitheach. D'fhéadfadh an sainchuntas poist a bheith faoi réir athbhreithnithe i bhfianaise struchtúir nua agus / nó athrú a bheith ag teacht ar riachtanais TG4.

Beidh an tuarastal de réir cháilíochtaí agus thaithí an té a roghnófar.

4pm Dé hAoine an 19 Meitheamh 2026 an dáta deiridh a nglacfar le hiarratais. Seol d'iarratas mar aon le litir iarratais ina leagtar amach an chaoi a n-oireann do thaithí agus do cháilíochtaí don ról seo chuig cv@tg4.ie

Eolas Breise don Iarratasóir

Grád an Phoist:

Grád 3

Uaireanta Oibre:

39 uair sa tseachtain. Mar gheall ar riachtanais an phoist, táthar ag súil go mbeifí solúbtha ó am go ham, lena n-áirítear a bheith sásta oibriú, nuair atá gá leis, lasmuigh d'uaireanta oifige, ag an deireadh seachtaine agus ar laethanta saoire bainc.

Laethanta Saoire:

Chomh maith leis na laethanta saoire bainc reachtúla, beidh tú i dteideal 23 lá de shaoire íoctha in aghaidh na bliana.

Pinsean:

Tá baill foirne TG4 i dteideal dul isteach i nGrúpscéim Pinsin TG4 faoi réir théarmaí aon scéime atá ann cheana.

Taisteal:

Beidh taisteal i gceist ó am go chéile mar chuid den ról, in Éirinn agus thar lear.

Buntáistí eile a bhaineann le bheith ag obair i TG4:

<ul style="list-style-type: none">• Deiseanna Oiliúna agus Forbartha• Saoire Staidéir agus Scrúduithe	<ul style="list-style-type: none">• Táillí Ballraíochta Gairmiúla• Pinsean Ranníocach• An Clár Cúnaimh d'Fhostaithe• An Scéim um Rothaíocht chun na hOibre
--	---